

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 43. stav (9) i članom 52. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 78. sjednici, održanoj 25.04.2025. godine, d o n o s i

O D L U K U
o usvajanju Programa utroška namjenskih sredstava
iz oblasti šumarstva za 2025. godinu-Izvor 30

Član 1.
(Predmet)

Usvaja se Program utroška namjenskih sredstava iz oblasti šumarstva za 2025. godinu-Izvor 30 u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) u iznosu od 4.444.320,00 KM (slovima: četirimilionačetiristotinečetredesetčetirihiljadetristotinedvadeset konvertibilnih maraka) predviđena za tekuće rashode čuvarske službe, kapitalne transfere drugim nivoima vlasti, nabavku opreme, rekonstrukciju i investiciona ulaganja tj. pošumljavanje i druga ulaganja za unapređenje šuma, a koji čini sastavni dio ove odluke.

Član 2.
(Način realiziranja sredstava)

Sredstva planirana Budžetom Kantona za namjene predviđene ovom Odlukom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec odobrenim od strane Ministarstva finansija, te u skladu sa odobrenim ukupnim nivoima do kojih se za pojedini mjesec odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

Član 3.
(Realiziranje Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu – Kantonalna uprava za šumarstvo i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-8634/25

Datum, 25.04.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Kantonalna uprava za šumarstvo, putem Ministarstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU
KANTONALNA UPRAVA ZA ŠUMARSTVO**



PROGRAM

utroška namjenskih sredstava iz oblasti šumarstva za 2025. godinu - Izvor 30

Zenica, april 2025. godine

I NAZIV PROGRAMA

Program utroška namjenskih sredstava iz oblasti šumarstva za 2025. godinu-Izvor 30, u razdjelu 23, budžetska organizacija 03, potrošačka jedinica 0001 Budžeta - Kantonalna uprava za šumarstvo.

II ZAKONSKI OSNOV ZA PROGRAM

Zakonski osnov za izradu Programa utroška namjenskih sredstava iz oblasti šumarstva za 2025. godinu čine Zakon o šumama („Službene novine Zeničko-dobojskog kantona“, broj: 8/13, 1/15 i 5/21) (u daljem tekstu: Zakon o šumama) i Zakon o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24). Članom 43. stav (1) i stav (9) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) je propisano da će se budžetska sredstva na poziciji „Tekući transferi i drugi tekući rashodi-namjenska sredstva” koristiti prema Programu utroška koji donosi Vlada Kantona, te da će namjenska sredstva utvrđena u razdjelu 23, budžetska organizacija 03, potrošačka jedinica 0001 Budžeta - Kantonalna uprava za šumarstvo, koristiti u skladu sa važećim propisima.

III SVRHA PROGRAMA

Svrha izrade Programa je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2025. godinu, za koje namjene i u kojem iznosu isti mogu biti utrošeni.

IV KRITERIJ ZA RASPODJELU SREDSTAVA

Namjenska sredstva planirana u visini od 4.444.320,00 KM, predviđena su za finansiranje izdataka prikazanih u tabelarnom pregledu:

RB	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Ostali prihodi za korištenje, zaštitu i unapređenje šuma	Ukupno planirana namjenska sredstva kol. (3 do 7)
1	2	3	4	5	7	8
1.	Izdaci za bruto plaće	91.000,00	353.000,00	2.312.059,00	75.000,00	2.831.059,00
2.	Naknade troškova zaposlenih	-	80.000,00	290.000,00	-	370.000,00
3.	Doprinosi poslodavca	-	80.000,00	217.261,00	-	297.261,00
4.	Izdaci za materijal i usluge	209.000,00	87.000,00	-	-	296.000,00
	4.1. Putni troškovi	5.000,00	-	-	-	5.000,00
	4.2. Energenti	16.000,00	-	-	-	16.000,00
	4.3. Komunalne usluge	20.000,00	-	-	-	20.000,00
	4.4. Nabavka materijala	100.000,00	-	-	-	100.000,00
	4.5. Izdaci za gorivo	-	60.000,00	-	-	60.000,00
	4.6. Izdaci za zakup prostora	17.000,00	-	-	-	17.000,00
	4.7. Tekuće održavanje	-	20.000,00	-	-	20.000,00
	4.8. Izdaci za osiguranje	1.000,00	-	-	-	1.000,00
	4.9. Ugovorene usluge	50.000,00	7.000,00	-	-	57.000,00

5.	Kapitalni transferi drugim nivoima vlasti iz oblasti šumarstva	200.000,00				200.000,00
6.	Nabavka opreme	400.000,00	-	-	-	400.000,00
7.	Rekonstrukcija i invest. održavanje	-	50.000,00	-	-	50.000,00
	7.1. Nabavka sadnica	-	10.000,00	-	-	10.000,00
	7.2. Projekti iz oblasti šumarstva	-	40.000,00	-	-	40.000,00
	UKUPNO (od 1 do 8)	900.000,00	650.000,00	2.819.320,00	75.000,00	4.444.320,00

Izvori za finansiranje izdataka iskazanih u tabelarnom pregledu su niže navedene naknade propisane Zakonom o šumama:

1. Naknade za općekorisne funkcije šuma

Na osnovu člana 50. Zakona o šumama naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu člana 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu (3) istog člana.

U Budžetu Zeničko-dobojskog kantona za 2025. godinu, po osnovu naknada za općekorisne funkcije šuma, planirani su prihodi u ukupnom iznosu od 900.00,00 KM, namijenjeni za sljedeće:

- 1.1. Sufinansiranje rada čuvarske službe-tekući izdaci300.000,00 KM
1.2 Kapitalni transferi drugim nivoima vlasti iz oblasti šumarstva.....200.000,00 KM
1.3. Nabavka opreme za potrebe Uprave.....400.000,00 KM

Ukupno 900.000,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 300.000,00 KM, namijenjena su za sljedeće izdatke:

Rb	Izdaci	KM
1.	Bruto plaće zaposlenih	91.000,00
2.	Izdaci za materijal i usluge	209.000,00
	Ukupno	300.000,00

Ukupna sredstva iz naknada za općekorisne funkcije šuma za sufinansiranje rada čuvarske službe, odnose se na sredstva planirana za sufinansiranje bruto plaća zaposlenih, u iznosu od 91.000,00 KM i na sredstva planirana za izdatke za materijal i usluge, u iznosu od 209.000,00 KM.

Sredstva za izdatke za materijal i usluge, planirana u visini od 209.000,00 KM, predviđena su za sufinansiranje sljedećih izdataka: izdaci za putne troškove, troškove električne energije i grijanja odjeljenja i Uprave, poštanske, telefonske i druge komunalne usluge odjeljenja, nabavku administrativnog materijala, kao i potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, nabavku otpremnih iskaza, knjiga panjeva, knjiga doznake i slično, izdataka za zakup prostora

za odjeljenja Uprave, izdataka za tekuće održavanje, izdataka za ugovorene usluge tj. zdravstvene usluge-povrede na radu, nabavka službenih uniformi za čuvare šuma, specijalističke kurseve iz oblasti šumarstva, informisanje, izdatke za komisije, trošak reprezentacije, izdatke za posebne naknade na dohodak za zaštitu od prirodnih i drugih nesreća, usluge štampanja i s tim povezane slične usluge (blokove i ostale robe), organizacija manifestacije „Susreti šumara Kantonalne uprave za šumarstvo Zeničko-dobojskog kantona“, ostale ugovorene usluge i sl.

Realizacija Programa pod tačkom 1.1. u dijelu koji se odnosi na sufinansiranje bruto plaća zaposlenih, vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih Zakonom o javnim nabavkama i računa ispostavljenih za izvršene usluge.

1.2. Kapitalni transferi drugim nivoima vlasti iz oblasti šumarstva

Sredstava planiran pod tačkom 1.2 u visini od 200.000,00 KM na poziciji kapitalni transferi drugim nivoima vlasti iz oblasti šumarstva realizovat će se u skladu sa Zakonom o šumama, na način da će se pozvati JP Šumsko privredno društvo Zeničko-dobojskog kantona d.o.o. Zavidovići (koje jedino obavlja poslove gospodarenja državnim šumama i shodno tome izrađuje projekte za izvođenje radova u šumarstvu) da kandiduje projekte za unaprjeđenje i za zaštitu šuma od šumskih požara. Prioritet za dodjelu sredstava će imati projekti nabavke sredstava i opreme, koja će direktno učestvovati u gašenju požara (npr. protivpožarna vozila, bageri, vještačka jezera, cisterne i sl.)

Nakon dostavljenih projekata, Kantonalna uprava za šumarstvo će komisijski izvršiti pregled i odabir onih projekata za finansiranje koji će imati najpovoljniji uticaj na sveukupnu zaštitu državnih šuma od šumskih požara.

1.3. Nabavka opreme za čuvarsku službu

Sredstva planirana pod tačkom 1.3. u visini od 400.000,00 KM, namijenjena su za nabavku kancelarijske opreme za odjeljenja i Upravu, nabavku softverskog programa za obavljanje geodetskih poslova u šumarstvu, nabavku geodetske opreme, nabavku službenih pištolja, te nabavku vozila za potrebe Kantonalne uprave za šumarstvo.

Realizacija Programa pod tačkom 1.3. vršit će se u skladu sa procedurama propisanim Zakonom o javnim nabavkama.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama 1.1., 1.2. i 1.3. propisani su članom 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2025. godinu planirani su u iznosu od 650.000,00 KM, a namijenjeni su za tekuće izdatke tj. sufinansiranje rada čuvarske službe-tekući izdaci, izdatke za materijal i usluge za potrebe odjeljenja i za rekonstrukciju i investiciono održavanje, u niže navedenim iznosima:

2.1. Sufinansiranje rada čuvarske službe-tekući izdaci	513.000,00 KM
2.2. Sufinansiranje izdataka za materijal i usluge.....	87.000,00 KM
2.3. Rekonstrukcija i investiciono održavanje	<u>50.000,00 KM</u>
	Ukupno 650.000,00 KM

2.1. Sufinansiranje rada čuvarske službe

Za sufinansiranje rada čuvarske službe, planirana su sredstva u iznosu od 513.000,00 KM, a namijenjena su za:

- Bruto plaće zaposlenih , u iznosu od 353.000,00 KM,
- Naknade troškova zaposlenih, u iznosu od 80.000,00 KM,
- Doprinosi poslodavca, u iznosu od 80.000,00 KM.

Realizacija Programa pod tačkom 2.1. u dijelu koji se odnosi na finansiranje plaća i naknada, vršit će se kontinuirano, prema važećim propisima koji regulišu plaće i naknade.

2.2. Sufinansiranje izdataka za materijal i usluge

Za sufinansiranje izdataka za materijal i usluge, iz naknada za obavljanje stručnih poslova u privatnim šumama, planirana su sredstva u iznosu od 87.000,00 KM, a namijenjena su za:

- Izdatke za gorivo, u iznosu od 60.000,00 KM,
- Ugovorene usluge, u iznosu od 7.000,00 KM,
- Tekuće održavanje 20.000,00 KM.

Realizacija Programa pod tačkom 2.2. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.3. Rekonstrukcija i investiciono održavanje

Iz naknada za obavljanje stručnih poslova u privatnim šumama, u 2025. godini, za rekonstrukciju i investiciono održavanje planirana su sredstva u visini od 50.000,00 KM, namijenjena za finansiranje projekata iz oblasti šumarstva i nabavku sadnica za biološku obnovu šuma.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama propisani su članom 53. Zakona o šumama.

3. Naknade u postupku promjene namjene šumskog zemljišta (krčenje šuma)

U Budžetu za 2025. godinu, po osnovu naknada za promjenu namjene šumskog zemljišta (krčenja šuma), a shodno članu 50. i članu 53. Zakona o šumama planirana su sredstva u visini od 2.819.320,00 KM, namijenjena za:

- bruto plaće zaposlenih, u iznosu od 2.312.059,00 KM,
- naknade troškova zaposlenih, u iznosu od 290.000,00 KM,
- doprinos poslodavca, u iznosu od 217.261,00 KM.

Realizacija Programa pod tačkom 3. u dijelu koji se odnosi na finansiranje plaća i naknada, vršit će se kontinuirano, prema važećim propisima koji regulišu plaće i naknade.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) propisani su članom 53. Zakona o šumama.

4. Naknada za korištenje državnih šuma

Na osnovu člana 38. i člana 51. Zakona o šumama naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvnih šumskih proizvoda.

U Budžetu za 2025. godinu, po osnovu naknada za korištenje državnih šuma planirani su prihodi u visini od 75.000,00 KM, namijenjeni za:

- bruto plaće zaposlenih, u iznosu od 75.000,00 KM.

Kriterij za utrošak sredstava ostvarenih po osnovu naknada za korištenje državnih šuma propisani su članom 53. Zakona o šumama.

V VISINA SREDSTAVA

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), u razdjelu 23, budžetska organizacija 03, potrošačka jedinica 0001, planirana su namjenska sredstva u iznosu od 4.444.320,00 KM.

VI IZVORI SREDSTAVA

Namjenski prihodi iz oblasti šumarstva planirani su po osnovu slijedećih naknada:

1. Naknade za općekorisne funkcije šuma	900.000,00 KM
2. Naknade za obavljanje stručnih poslova u privatnim šumama	650.000,00 KM
3. Naknade u postupku promjene namjene šumskog zemljišta (krčenja šuma)	2.819.320,00 KM
4. Ostali prihodi za korištenje, zaštitu i unapređenje šuma	75.000,00 KM
Ukupno	4.444.320,00 KM

VII NAČIN I ROKOVI IZVJEŠTAVANJA

O utrošku namjenskih sredstava po ovom Programu, Kantonalna uprava za šumarstvo dužna je polugodišnje i godišnje izvijestiti Vladu Zeničko-dobojskog kantona.

Ukoliko se, iz određenih razloga, namjenska sredstva, predviđena Programom za 2025. godinu, ne utroše u potpunosti, preostala sredstva će biti prenesena u narednu budžetsku godinu.

Broj: 02-11-8634/25
Datum, 25.04.2025. godine
Zenica

PREMIJER
po ovlaštenju

Dženana Čišija

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Kantonalna uprava za šumarstvo, putem Ministarstva,
- 1x Ministarstvo finansija,
- 1x „Službene novine Zeničko-dobojskog kantona“,
- 1x a/a.